

V. CL.

2

DN. CAROLI DRE-  
LIN CURTII,

Christianissimi Regis Medici Ordini-  
narii, nec-non Lugd. Batav. Prof.  
Primarii Practici atque  
Anatomici,

EXPERIMENTA  
ANATOMICA,

*Ex*

Vivorum Sectionibus petita.

*Edita per*

ERNESTUM GOTTFRIED HEYSEUM,  
Dantiscanum.



LUGD. BATAV.

---

Apud CORNELIUM BOUTESTEYN,  
MDC LXXXI.

*Nobilissimo, Excellentissimo  
atque Experimentissimo*

DN. CAROLO  
DRELINCURTIO,

Regis Christianissimi Med.  
Ord. nec-non in almâ Lugd.  
Batav. Prof. Pract. Primario,  
atque Anatomico dexter-  
rimo ,

*Præceptori de Studiis suis longè  
meritissimo; debitâ cum obser-  
vantia hæc consecrat*

ERNESTUS GOTTFRIED HEYSEUS.



U A sunt, Vir Celeberrime, quæ oblata vides. Ad

TE ergò, unde ma-

nârunt, placidum expeten-  
tia Patrocinium, ultrò re-  
deunt. Non vertes mihi vi-

tio, Præceptor Honoratissi-  
me, quòd mecum hætenus  
privatim communicata juris

nunc facere publici fuerim au-  
sus. Consensum quippe Tuum

magis faventem mihi polliceor,  
ubi flagrans juvandi Studium,

quo discere cupientes in Ratio-  
nis & A'loψίας reducere or-

bitam ardes , apud animum  
pensito. Labor quidem hætenus  
quamplurimis incubuit , Obser-  
vata vel in privatis excipere ca-  
lamo confestim Collegiis , vel  
Annotata ibidem rudiora dispo-  
nere postmodum distinctius ; sed  
cum Curiosos potissimum ani-  
mos ea vix reddere contentos  
viderentur , ipso frui Autogra-  
pho multis in votis erat ; idque eò  
efflagitabant intensius quò Ex-  
perimenta potissimum hæc A-  
natomica, controversis quam-  
plurimis , quæ moveri circa La-  
ctearum Viaram Origines, Lu-  
sus,

sus, Decursus & Ostia, ut &  
circa Lumbaris Recepticuli si-  
tum, Ductusque, ab invento-  
re Pecquetiani vocati, divor-  
tia, motumque Chyli & Lym-  
phe in Vasis his conspicue, so-  
lent, facilius decidendis, apta  
nata judicabantur. Hanc scili-  
cet Lactearum Anatomen cum  
nemo sit, qui ex hominum repe-  
tere Visceribus, more Herophi-  
li & Erasistrati, quos nocentes  
à Regibus è custodiâ acceptos,  
cultro subjecisse Anatomico con-  
stat, quod & de celeberrimo  
Vesalio nonnulli persuasum sibi  
habent.

habent, audeat, hæc Experimenta, ex multis Animalium hecatombis, quæ Medicis immolare oculis Tibi placuit, deprompta, id nos unicè, quod nesciri aliunde potest, docebunt. Dolendum verò summopere venit, superesse tot Observata, tam Anatomica, quàm Practica, quibus per tot annorum decursum sedulus insudâsti, quæque in Artis redigere systema, magni laboris erat, nondum cum Eruditis communicata; quæ, ut prodirent in publicum, multorum jam votis exoptatum  
sepins

*sæpius fuit. Maacte igitur, Vir  
Amplissimè, desiderijs tot sol-  
licitantium, & petitionibus to-  
ties iteratis audientem TE faci-  
lemque præsta, quò gratulari  
Nostræ Arti de noviter affusâ  
luce magnâ cum voluptate in-  
tegrum sit atque concessum. Cæ-  
terùm accipe, Præceptor Ho-  
noratissimè, favente animo,  
quod Tuum est, meque, Clie-  
tem Tuum Observantissimum,  
propediem, visis Angliæ Lumi-  
nibus, in Patriam Tuam abitu-  
rum, Benevolentia pristina,  
quam propensam in me hæte-*

# ANATOMICA EXPERIMENTA.

## CANICIDIUM PRIMUM.

I **L**igatis cruralibus arteriis , axillarique alterâ atque alterâ , incisâque scalpello Carotide sinistrâ sanguis salivit ad Uncias triginta , Quadrantis spatio.

2. Fluxu cessante , dextra Carotis est fauciata , & sanguis leniùs parciùsque profluxit.

3. Cruralibus apertis fluxit citra saltum.

4. Expirante cane , subsultim eructatus est.

5. Sanguis universè collectus , uncias quadraginta octo pependit. Amissam reputo li-

A

bram



bram unam: sunt ergò Medicæ libræ quinque, horam intra dimidiam, Arteriis Molossi propulsæ.

6. Ex unciis quadraginta octo refrigeratis, sanguinis erant coagulati libræ tres, feri vero libra una.

7. Sanguinis coagulum sero gravius: feri enim libra una altiùs assurgit coagulo, scutellam inter eandem.

8. Sanguis ille totus purpureus est.

9. Axillares sanguine distentæ, auricularis crassitudinem præ se ferebant: exhaustæ verò longe minus.

10. Arteriis arctatis, necdum reclusis, penduloque Molossi Capite extra mensam, venter illum oppressit; At erecto

cto capite , finistrâque apertâ Carotide, Molossus sese concussit, exagitavitque.

11. Arteriarum alterâ vulneratâ, alterius pulsus elanguescit.

12. Ligaturas intra & extrema, cessat pulsus: arteriæ nihilominus deplentur, sed sensim.

13. Cerâ injectâ dextram in Carotidem, salivit sinistra.

14. Extincto Molosso, carnes flaccidæ, exangues, depressæ, candicantes; viscera itidem, mole minora, albicantia, mollia, tactui cedentia.

15. Ascendens descendensque cavæ truncus, unâ cum Azygo, totus atro grumosoque, Seri exforte sanguine plenus.

16. Ubra congeries sunt glandularum, milii mole atque duritie, sed quæ serum fundunt fulvum.

CANICIDIUM SECUNDUM.

1. Costis sinistris quatuor ultimis veris à Cartilaginibus liberatis, cordis cono acus est adacta, profundè in ventriculum sinistrum; & sanguis non profiliit.

2. Cordis cono transversim resecto, ad levem ventriculi sinistri altitudinem sanguis salivit, primùm quidem multus: mox verò & unaquaque dumtaxat systole, ad drachmam unam vel alteram.

3. Systole est, ubi conus affurgit ad Basin: Diastole verò est, restitutio cordis in priorem statum.

4. Quo

4. Quo angustius est ventriculi sinistri detecti foramen, eo vividius systole quâvis salit sanguis, modò coni spirales circularesque fibræ sint resectæ, non verò simpliciter compunctæ.

5. Ventriculi sinistri factu desinente, illum compressi, & sanguis proflavit in altum.

6. Dexter interea ventriculus sanguine turgidulus erat instar utriculi. Illo confosso sanguis effluxit, ater quidem, sed grumosus nusquam.

7. Nondum autem confossus, non veræ amplius systoles, atque diastoles, sed for-  
micationis, aut trepidationis motum jucundè nobis exhibuit.

8. Corde sic utrinque deple-

to, ceram in jeci in conum, illâque distentum finistrum ventriculum compressi, & cera, ceu sanguis foret, rivulosè profluxit.

9. Cerâ rursûm injectâ cordis in conum, totus sinister ventriculus extensus, firmus & prædurus comparuit: sed nihilum quidem ceræ dextrum ventriculum permeaverat.

10. Auricularum motus cordi oppositus est. Illarum enim systole fit, dum cor expanditur; & è diverso.

11. Costæ suam dumtaxat versus arthrodiâ cum vertebrarum dorsi transversis apophysibus synarthrodialem fragiles erant; suas enim cartilagineas versus, flexiles erant.

12. Cani jejuno licet ab horis

ris

ris viginti quatuor, chyli ferus ductus Pecquetianus lymphâ subfulvâ, ceu gelatinâ, distendebatur.

13. Chyli receptaculum commune consimili gelatinâ opplebatur, lacteæ nihilofecius omnes evanuerant.

14. Membro ligato, vesica & urethra lotiô turgabant.

15. Aciculis pertusa vesica urinæ nihil emisit.

16. Acu crassiori in illam adactâ, & eductâ, urina pauca stillavit.

17. Vesica verò forficibus leviter sauciata, undique sese contraxit omnemque urinam exclusit. Imo, sese usque adeo conglobavit in arctum, ut Prostatarum, ad quas se receperat, vix æquaverit Molem.

18. Urethra interim distenta remansit, à sphinctere ad ligamen.

### CANICIDIUM TERTIUM.

1. Acu in cerebelli ventriculum compulsâ, primam inter vertebam, & os occipitis, Canis, ceu Epilepticus, ter, quaterque concussus est universè, sed mox expiravit.

2. Acu reductâ sanguis effluxit ad uncias circiter duas.

3. Cane immoto, nec vitam prodente, venæ cruales sectæ sunt, & sanguinis atri guttulæ manârunt.

4. Arteriis cruralibus sectis, sanguis ad pedes duos salivit; sed unico saltu, mox enim subsedit. Nihilominus ter quaterve Arteriarum Diastole stillavit.

5. San-

5. Sanguine sic fluente, pectus prius immotum concussum est: Apertum tamen confestim, immobile fuit.

6. • Decussis Cervicalibus vertebris, meninges intra spinam elongatæ, sanguine grumoso atratæ, distentæq; ad vertebra[m] cervicalem usque sextam, in conspectum venerunt.

7. Medullaris autem fibrosusque cervicalis caudex nivei candoris erat, haud secus, ac plaga nulla huic *intra* fuisset illata.

8. Diffractâ Calvâ, sanguinei grumi intra Meningas & juxta vertebralis arteriæ furculos, cerebellum atque cervicales interjacebant, ad origines usque finium lateralium prope torcular.



9. Ventriculi quaterni incruentati ; Tota itidem cerebelli atque cerebri interiora incruenta visa sunt.

10. Ren dexter rubeos vermes, unum quidem pollicibus octo & semis longum, & unius drachmæ pondo ; alterum autem breviorē, leviorēque paulo, conclusit.

11. Anguineo flexu implicabantur ; & illorum alter, hircudinis more, versus gemelli Caudam, suum tam altè defixerat rostrum, ut illacerō gemellō nequiverit evelli.

12. Ren totus interior consumptus erat, ad Anastomoses usque pedis anserini, qui mirè nitebat.

13. Pelvis in Ureterem impervia. Coaluerat enim Ureteris caput.

14. San-

14. Sanguinis vasa contractiora solito.

15. Ren oppositus, salubris quidem, sed major quam vulgò.

16. Haud ita pridem, Caninus ren etiam dexter, lumbricum mihi cecidit rubicundum, unciae unius pondo, atque super pedes duos, sesqui pollice longum; consimili penitus, atque nunc, partium enarratarum statu.

#### CANICIDIUM QUARTUM.

1. Nervis Recurrentibus, utrinque sectis, ad glandulas thyroideas, Canis flagellatus latravit quidem: sed flagris non exceptus, triduum integrum conticuit, etsi præputium funiculo revinctum habuerit,

buerit, & hypogastrium Urina turgidum.

2. Triduô exactô, venæ sex ligantur, Crurales ambæ, axillaris una & altera, atque jugularis externa; & intra pauca momenta suffocatus canis visus est.

3. Laxatis ligationibus, & sanguine misso è vena Crurali sinistra, pectus motum est.

4. Sternô à xiphoide ad primam costam cum annexis Cartilaginibus revulsô, cor detectum est formicans.

5. Venis quinque reliquis jam exsolutis ac reclusis, sanguis aterrimus effluxit.

6. Arteriis apertis, purpureus & præparcus stillavit.

7. Præputii diamêter acu filum ducente trajectus, in suppuratum

puratum abiit. Puris autem edacitas filum circa præputium, sæpius licet contortum atque retortum, arrofit. Die idcirco exeunte tertiâ, effluxit urina, totum triduum prius coërcita, magnâ cum hypogastrii atque Colis tensione inflammatoriâ.

8. Recurrentes utrimque fruticosiores solito, at surculi dumtaxat illorum ad Laryngem summi, fuerant transversim incisi. Surculi interea demissiores, per Laryngis musculos longè latèque fruticabantur.

#### CANICIDIUM QUINTUM.

1. Morosioris os funiculo supra cervicem nodato compescui. Ne autem suis in excretis sese volutaret: Decimâ su-

spendi matutinâ, sesquidecimâ  
anus procidit; In tertiam po-  
meridianam procidentia cre-  
vit pedem longa.

2. Horâ tertiâ inversum de-  
volutumque Rectum restitui.

3. Anus patula remansit  
unâ cum Recto in prociden-  
tiam proclivi, uti liquebat in-  
ter respirandum; quavis enim  
inspiratione trudebatur deor-  
sum, extrorsumque.

4. Musculis ad Cervicem  
diductis, & apophysibus verte-  
bræ secundæ decussis, sanguis  
altè salivit, Canis sese contorsit.

5. Cruore suppresso deter-  
foque, Cervicalis medulla com-  
paruit illæsa. Meningas pūpu-  
gi; nec vehementius sese movit.  
Filamenta punxi; pedes post-  
icos concussit.

6. Cane

6. Cane prono, supinoque, prorsus immoto, cor patefactum est: trepidavit quadrantem.

7. Trepidatio ad extremum spiritum in auriculâ & ventriculo dextris major diuturniorque, quàm in sinistris.

8. Cor ex intervallis immotum, sæpe punctum est, rursumque trepidavit.

9. Cordis vasa, generis ejusdem coronaria, anastomoses habent.

10. Præputium exesum ulcusculis sparsim, universè tumidum.

11. Intestinorum motus peristalticus etiam amoto corde luculentus.

12. Cor de pectore revulsum & fodicatum, immobile persistit.

13. Re-

13. Rectum in suas sedes retrusum tumebat livebatque pede longum.

14. Arteriæ Renales sinistræ ab Aortâ gemellæ. Unius origo ab alterius ortu tribus distabat lineis.

### CANICIDIUM SEXTUM.

1. E crurali sinistrâ sanguinis aliquot uncias misi, inque cruralem alteram, horæ dimidiæ spatio, sebum injeci ad uncias octo.

2. Periisse visus est Canis, sed attentioribus nobis, pectus subsiliit, cordisque motus ad brevia adhuc momenta sensibilis fuit.

3. Plagas obligavi, & cadaver pedibus posticis suspendi.

4. Postridie ligati pedes,  
toti

toti œdematosi : multa quippe gelatina subflava , ad ligaturas usque concreverat interius.

5. Vasa aliquot Lymphatica , media crepuerant , reliqua porro subfulvâ lymphâ gelatinam referente, inter cutem op-plebantur.

6. Sevum adscendens op-pleverat Cavam , ad jecoris usque simas : sed ad lævam dextramque deflexerat , renesque totaliter circumdabat , mirâ mole. Venam illam universam, ceu tædam crassiolem , de Cadavere revulsi.

7. Sebûm , in cruralem iliacamve sinistram , nullum influxerat.

8. Venæ portarum furculi , suo cum trunco , depleti , flaccidi, exangues.

9. Cava



9. Cava super. diaphragma ,  
usque adeo turgebat , media  
propemodum ut creparet.

10. Α'ζυ'γ' Truncus , sibi  
cum insertis stolonibus dextris  
sinistrisque mirabiliter tume-  
bat.

11. Tota insuper cava de-  
scendens à capite ad Cor , ex-  
tremè distendebatur : jugula-  
res præsertim internæ , verte-  
bralesque.

12. Cordis ventriculus dex-  
ter suâ cum auriculâ summè  
turgebat.

13. Pulmones universè flac-  
cidi , contracti , exsuccī , atque  
pericardio leviter agglutinati.

14. Pericardium verò feri  
exors , cordique arctius op-  
pressum.

15. Inciso cavæ trunco , ad  
cordis

cordis usque recessus intimiores, aliud nihil quàm sanguis ater grumofusque.

16. Illis porro grumis infuit concretio gelatinæ similis, quæ præexistentem polypum attestabatur.

17. Ventriculus sinister sanguinem paucum, grumofum quidem, sed minus atrum coërcuit.

18. Aorta exanguis universè.

19. Thymus nervos, sanguineaque vasa, & numerosa, & per ampla nobis cessit. Lymphatica demum flaventia habuit, quæ sub-clavias in sinistras (nomini sit venia) confluebant.

#### CANICIDIUN SEPTIMUM.

1. Ligata splenis vena turgēt

get impendiò à liene ligationem versus: conflagrescit autem, à ligamine ad portarum truncum.

2. Aliquot Mesenterii venæ laqueo strictæ, ab intestinis ad ligamentum, quam maximè turgescunt: à deligatione ad truncum detumescunt.

3. Mesentericæ ligationis expertes quotquot erant reliquæ, nec impensius attollebantur, nec submissius se contrahabant, sed pristinam molem conservabant.

4. Quæ vero fuerant astrictæ, usque adeo intumuerunt, ut arcuatim sese in altum reflecterent, nimiamque sanguinis satietate crepandis proximæ viderentur.

5. Ipso portarum illigato  
trunco

trunco ad Mesenterici splenicique concursum, omnes ad unum, Mesenterii lienisque furculi turserunt.

6. Laxis omnibus laxatis nodis, suam in jecur saturitatem venæ singulæ confestim eructârunt, detumueruntque.

7. Pectus interea, ab horæ quadrante supra tertiam, in quadrantem supra quintam, altius attollebatur deprimebaturque.

8. Elato, diductoque pectore, in Abdomen sese diaphragma contrudit; annexaque sibi jecur cum folliculo fellis, lienem, & ventriculum diverberat, deprimitque.

9. Pectore depresso, constrictoque, in thoracem sese diaphragma recipit, illoque suo receptu,

receptu, quæ deprefferat viscera, secum abripit, revellitque.

10. Viscera de Diaphragmatis fornice sic pendula, sicque concussa, partes & subjectas, tanta reciprocatione concutiunt, pertunduntque, Epiploon puta, Mesenterium, Pancreas, & intestina, cum Renibus substratis, subjectâque vesicâ, atque utero.

11. Una & altera dum effluit hora, vinculis Canem exsolvo: excruciat sese, artûs protendit, atque contorquet, os aperit, vocem bis edit, latratui affinem: Caput duodecies effert; totiesque Cervicem erigit, atque protendit, ceu in pedes sese daturus, sed mox ruit in Mensam, tragœdiæ theatrum.

12. Maxil-

12. Maxillam & artus ita movit, cereum ut accensum, orique insertum contriverit, nec non extento anteriori pede sinistro, ceu de industria, bis extinxerit.

13. Post auditam sesqui quintam, Canis expirasse videbatur: sed cereo Diaphragmatis in fornicem intruso, nervosus circulus ejus luculenter sese contraxit, cereique flammulam, ceu fornax reverberans, agitavit.

14. Cane tandem penitus immoto, & instante sexta, Cordis apex pedetentim, ad Basim usque per taleolas resectus est; quoties autem lamellæ defecabantur, toties ejus fibræ, (sinistri præsertim ventriculi,) ceu intestina peristalticum motum edentia,

edentia , orbiculatim sese contraxerunt.

### CANICIDIUM OCTAVUM.

1. Vasis, Brevibus dictis, filô interceptis, ventriculû inter lienisque caput tumor comparuit, à ventriculo ad filum; inanitas verò, à ligatione ad splenicam.

2. Gastricas constrinxi reliquas, tumuerunt ventriculû inter & vincula, detumuerunt autem, à ligamentis ad lienalem usque truncum, Portarumque Caudicem.

3. Pancreaticæ seu Duodenali venæ compedes impigi. Quidquid ultra compedes erat, tumuit, conflaccescente venâ hepar versus.

4. Cæcalem pariter in compedibus

pedibus tenui; sed ab intestino Cæco ad ligationem usque, in tumorem protinus est sublata; communem verò Mesentericum versus alveum sese depressit.

5. Hæmorrhoidalem denique venam levi compede vinxi, sed dicto citius, suo cis ligatorium tumore, suaque versus Mesenterium inanitate, idem ac reliquæ confortes, est confessa.

6. Canis ab hesternâ vesperrâ, in tertiam pomeridianam jejunos in vinculis erat: lactei nihilofecius per Mesenterium decursûs, opponendas suo fluento valvas à nobis efflagitarunt.

7. Valvis igitur, ceu Cataractis, ad lactearum confluens

B

obje-



objectis, nivei candoris Chylus est lacteis interclusus.

8. Receptaculum vero Pecquetianum subflavâ tursit lymphâ,

9. Consimili lymphâ, gelatinæ æmulâ, tursit & lacteus thoracis ductus, isque non geminus, sed mirè sinuosus.

10. Pressurâ levi universum Chyli conceptaculum cum annexo thoracico ductu, lympham suam omnem, jugularem in sinistram effudit.

11. Reclusis lactearum valvis, tota nivei Chyli coërcita prius congeries Pecquetianam in Cisternam communem, inque Thoracicum alveum, affatim confluit; & lacteo tumore, lacteâque viâ, sese dedit in conspectum.

CANI-

## CANICIDIUM NONUM.

1. Hæc Canis Mammariæ venæ cum Epigastricâ , dextras , sinistrasque tam luculentas habet anastomoses , unâ cum venis intercurrentibus medianis , ut à supernis ad infernas , absque infernis ad supernas , nec non à dextris ad lævâ & è diverso sanguis quoquo versum digitis adigatur.

2. Cœliacas nodis laxis illigavi , primùm paulò infra lienem , secundùm juxta revoluti ventriculi Lunare spatium : tertium jecoris concava versus , quartum pancreatis inter ostia.

3. Arteriæ primùm ab Aorta ad ligamina distentæ sunt : Secundo lentius & obscurius cum infra , tum super ligatio-

nes pulsârunt : Tertiò Lienem, Ventriculum , Jecur & Pancreas versus , sese pedetentim effuderunt , atque ita conflacescentes , suâ sensim pulsatione sunt orbatæ.

4. Cœliacis respondentes venæ haud prorsus inanes, flaccidæque, sed dimidiatim plenæ nec extuberantes.

5. Venas illas Gastricas nimirum, Gastro-Epiploicas lienalesque, cum Pancreaticâ, constrinxi, & arteriarum nodos instanter solvi. En temporis puncto, venæ prius demissæ nec extantes super ligamina protuberârunt.

6. Splenica singulatim, sanguine in tantum exsatiabatur, satietatem ut suam, vinculo soluta, nequiverit eructare.

Com-

Compressu tamen leni sanguinem illum suos in fonteis regessi.

7. Venarum autem quidquid obvertebatur jecori, id universum ita sese contraxit, ut tot fila, non tot venas dixisses.

8. Arteriâ itidem Mesentericâ, tum superiori, tum inferiori ligatâ, intestinorum tenuium aut crassorum venas, nec saturas, nec jejunas cerne-re fuit: sed ligatis illis, arteriâque vinculis confestim liberatâ, dictum factum Mesenterici superiores, demissioresque rami, in rotundam, renitentemque duritiem sublati sunt.

9. Solutis illis sanguis universè Mesentericum in truncum, blandâ contrectatione, repulsus est, uti Th. 6.

B 3 10. Ar-

10. Attendere est , an singulis arteriis cum Cœliacis tum Mesentericis , sic illigatis , & intestina sese contrahant , & viscera conflacescant: Nunc siquidem , tot deligationibus totque venis observandis intentus animus : istud unum & alterum minus attendit.

#### CANICIDIUM DECIMUM.

1. Nervorum in viscera vagantis , sextæ Conjugationis ergò , arrisit exangue cadaver : Sanguinem igitur ad lethiferos usque motus convulsivos , universum profudi.

2. Phialam habui, cujus collum strictius, rubrica notatum, pluviatilis aquæ libram unam signavit. Sanguis venosus quidem, ad libræ unius aquæ pluviialis

vialis altitudinem exceptus  
pependit unciam unam super  
libram unam.

3. Arteriosus eâdem altitu-  
dine Ponderis fuit Uncia una  
supra libram unam.

4. Serum item sanguinis  
promiscui, venosi nimirum  
& arteriosi, ponderavit Unciam  
unam, & libram unam, sangui-  
nis vero grumi sero orbi, li-  
bram unam & unciam unam  
semis.

5. Incruentum Cadaver ner-  
vos sexti paris, primum qui-  
dem numerosos, non simpli-  
ces, exhibuit Recurrentes.

6. Costalem subinde cessit,  
cum cervicalibus dorsalibus-  
que, nec non stomachicis im-  
plicitum.

7. Stomachicos seorsum de-  
dit,

dit, sibi nusquam incubantes : sed dextrum dextras , levam-que sinistrū adprimè tenentes.

8. Rete tandem nervinum stomachicis, Recurrentibusque conflatum , nobis obtulit , è Mesenterii radice , renumque medio , in omnia regionis alvinæ viscera vagum.

9. Imò , uti Costalis cervicalibus dorsalibusque ex Th. 6. connexus in Brachia seu anteriores pedes evagatur : ita, plexus ille retiformis alvinus, cruralibus unitus , pedes in posticos faceffit.

#### CANICIDIUM UNDECIMUM.

1. Molossus matutinâ nonâ citra potum , secundario pane butyrato ad satietatem pastus est. Apertus pomeridianâ

dianâ secundâ , panis frustra medio sui sicca , ventriculus plurimâ coërcuit.

2. Lactæum alborem , nec in Ventriculo , nec in Intestinis Chylus præ se tulit : sed universus lacteis lactearumque cisterna , atque ductu conclusus, lacte candidior erat.

3. Lactearum Myriades à pyloro ad Extremum Ileum : Numerosiores ab *ἐκφύσει* & Jejunno : pauciores autem ab intestino tenui , quod Ileon est, scaturiunt.

4. Mesenterium non simpliciter , sed multifido ductu perreptant; ubi primum enim aliæ aliis occurrunt , & è duabus tribusve fit una : mox illa eadem una , plures in furculos divaricatur. Illi rursus furcu-

B s li,



li, communem in rivulum coëunt, donec è rivulis totilllis, rivus unus exurgat, qui rivum in alium atque alium confluat.

5. Tot illi rivi Fluvios tandem atque flumina componunt, quæ sese lacteis lymphaticisque vasis communem in oceanum effundunt, Pecquetianum volo *παροχῆον*.

6. Vinculo strictiores lacteæ intestina versus attolluntur. A ligaturis autem ad cisternam sibi communem evanescent.

7. Hinc illinc sua præsertim versus ostia, geniculatas sese produnt, linearum trium Mathematicarum ab invicem distantia.

8. Genicula tot, averfas intestinis valvulas attestantur:  
nullo

nullo enim pressu suos in fontes Chylus refluit; at sua sponte in receptaculum properat.

9. Lacteis ventriculus, crassaquæ intestina carent; Absit enim ut vel nervorum fila, vel exangues arteriolæ, quæ prima fronte lacteas mentiuntur Vos deludant.

10. Lymphatica numerosa passim cernere est, sed circa venæ portarum caudicem, cui transversa incubant, luculentissima sese dant in conspectum.

11. Ligata tument à visceribus ad ligaturam, sed à ligaturâ ad Cisternam, visum fugiunt.

12. Lacteis lymphaticisque Receptaculum commune, medios inter diaphragmatis tendines

dines oblongum exporrigitur, partimque abdomen intra: partim & intra pectus, Chylô vel lymphâ turgidulum extat.

13. Universe sumptum minorem Cyprini vesicam æmulatur, tenuitate pellucet, contentaque prodit. Fundum quod alias, ad ossis sacri primordia contentum vidi, tertium hic lumbarium vertebrarum corpus attingit, suo à cono, pectori obvertitur.

14. Ab illo receptaculi cono, seu contractiore parte, Pecquetianus thoracis ductus in Axillarem usque sinistram, ramulos intercostales, sinistrorsum assurgit.

15. Uti autem furculis substernitur intercostalis arteriæ, ita sinistris, & ἡσυχῆ stolonibus incu-

incubat, idque præcise juxta corporis vertebrarum dorsi cum costis arthrodiam synarthrodialem.

16. Dextras enim costas, illæso ductu, omnes ad unam exarticulavi. At sinistras disjunctis non potis fui, incumbentis non fauciandi ductus ergo.

17. Paulo ultra Cor, vertebra deferit, atque œsophagum & tracheam arteriam inter, sese evehit, rursusque deflectit ad lævam, quo sinistram, modo, dictam, axillarem, sese subducatur.

18. Ligatus supra Cor, Chylum, quo turgebat totus, in Cisternam regeri haud passus est: at illo ligamine soluto, leniterque compresso ductu,

totus affatim Chylus sinistram in axillarem confluit.

19. Ductum religavi ostia sua versus, Chylumque à fontibus leni compressu repetivi, sicque ductus rursus chylô turfit.

20. Turgidulum suos & ad fontes illigavi; atque sic sursum & deorsum illigatum, chyloque tumentem, de Thorace revulsi.

21. Ejus ostia, seu partem supernam, de filô stringente suspendi. Origines, seu partem infernam, secui transversam, sed chyli ne hilum effluxit.

22. Imò sæpius quam vigies à supernis ad infernas, digitos appressimus; sed Chyli ne guttulam expressimus.

23. Ductu sursum deorsum  
sum

fum converso ad ejus ostia nunc prona, demissaque forficulam adegì, & ecce ἐκ πίπῃ ὀφθαλμῷ ( oculi jactu ) Chylus universè, ceu liquor ex aperto inversoque vase, præceps devolutus est.

24. Supernam insuper ductus partem, nunc exhaustam, inflavi; sed meus spiritus super longitudinem Uncialem nusquam pertigit. Canaliculum variè contrectavi, flatum ulterius ut impellerem, sed opera mea cassâ fuit omnis.

25. Flatum autem in Canaliculi principium simul ac immisi, totus ilico ductus turgidulus, & perlucens surrexit.

26. Tumentem revinxi siccandum.

27. Siccatus, obversusque  
luci,

luci, membranaceas mitralesque suggrundas, seu membranæos semilunaresque limbos, interiùs exstantes conspiciendos dedit.

28. Scalpellus ab imò ad summum canaliculi deductus, valvulas in seriem quadruplicem digestas prodidit octo: quævis enim, ut ita dicam valvularum contignatio duplex fuit.

29. Ille porro ductus suas versus origines crassior est: gracilescit, dum in ostia sua contendit.

30. Hinc notare est valvularum contignationem primam esse secundâ crassiorem, & sic deinceps.

31. Hemicyclum ab uno ad summum obliquè protensum  
æmu-

æmulantur valvulæ: cum autem simplex nulla sit, sed suam quælibet habeat sociam è directo, consequens est, ut integro ductu, transversus, extremusque hemicycli cujusque limbus contiguum sibi alterum exosculetur, unde rursum sequitur concurrentes lymbis suis transversis hemicyclos, obliquè sursum exporrectos, complere cyclum, illumque infernis quidem àversum, supernis autem obversum.

32. Valvulas supra Cor falso negant. Hic siquidem uti sunt infra Cor valvularum conjugatione una & altera; sic illarum profectò inter axillas & cor, *συστάσεις* totidem extant.

33. Una porro valvularum contignatio Mathematicò sequi-



qui pollice superior est aliâ atque aliâ. Quaternæ igitur contignationes Mathematicum pedem dimidium altæ sunt.

34. Quod si ductûs de Cadavere revulsi longitudo major est, id velim feratis acceptum luculentæ portioni, quæ supra quartam valvularum\* feriem, valvularum est exors, quæque & axillaris finistræ contermina fuit, & flatum, de quo Thesi Vigesima secundâ ad unius uncia longitudinem excepit.

35. Renem dextrum Bursulam verius dixeritis, quam Renem, pependit unciam semis.

36. Illo recluso vivax. prodiit rubicundus vermis, pollicibus octo longus, ponderisque drachmæ unius, uti Canicidio tertio Thesi Decima sexta,  
ta,

ta, Reliquæ igitur Drachmæ tres, vieto marcidoque reni seorsum competunt.

37. Ren ex adverso, tum grandior, tum gravior, octies est, uncias siquidem pender quatuor cum semisse, mirabiliterque floridus, vegetus & compactus est.

### CANICIDIUM DUODECIMUM.

1. Canis noctem insomnis, iracundiorque transigit in vinculis. Mane quævis oblata respuit: Tremat universè, rigit Maxilla; instante tertia Butyrum & lagana vorat.

2. Tertiâ lacteas exhibet aliquot ab *ἐμπύρετον* atque jejuno, quæ Chylum suum in cisternam nondum effuderant.

3. Chylo; Lymphaticisque  
cisterna

cisterna communis, non Chylota sed Lymphatica.

4 Ductus itidem Thoracicus, non chyliferus, sed roriferus existit.

5. Strinxi primò Chyliferum, seu roriferum ductum, ejus ad ostia; Lacteas secundò ad Mesenterii radicem. Tertiò ad Mesenterium medium; quartò quàm proximè intestina.

6. Chylus quarto interceptus ligamine lacteas mirabiliter distendit, illarumque ab intestinorum ambitu prognatas radículas exhibet, non simplices, sed multijugas.

7. Tot enim radiculæ priusquam per Mesenterium serpant, intestina non deferunt, quin alias aliæ, cum subeant,  
tum

tum relinquant, uti de lacteis Mesentericis. Canicidio Undecimo Theſi quarta, dictum eſt.

8. Nuſquam autem ab unâ duntaxat inteſtinorum parte ſoboleſcunt; ſed utrimque germinant, ſicque dextrorſum & lævorſum Meſenterii faciem ſupernam, infernamque perreptant.

9. Ligaturâ tertiâ luculentiffimus fit lactearum progreſſus, diviſio, congreſſus; rurſumque ſejunctio, ac iterata coitio: Illarum inſuper valvulæ produntur, qua parte geniculatim aſſurgunt.

10. Ligatura ſecunda Chylum ad oſtia Meſenterii coërcuit atque adeo lacteas extremas, illarumque rivos confluentes

fluentes detexit; Chylumque suam in cisternam interdixit confluxu.

11. Ligamine primo ductûs Thoracici ros omnis interceptus est: sed laxato vinculo, tenuior illa lymphâ frigore concreta nondum, axillarem in sinistram citra digitos appressos, uti Canic. undecimo Thesi decima sexta, sponte corrivata est.

12. Exoluto ligamine secundo Chylus in cisternam, suâ lymphâ non penitus exhaustam depluit: atque adeò, quæ prius lymphatica fuit, mox chylosa evasit, uti Canicidio octavo Thesi undecima.

13. Cisternâ digitis compressâ, roriferus ductus, confestim albore Chyli, totus repletus

pletus est : sed Chylo in ostia compulso ; Canaliculus ille, ceu filum tenuissimum comparuit, universaque cisterna, nihil nisi membranas, mutuo appressas, cessit.

14. Solutâ deligatione tertiâ, Chylo rursus intumuit cisterna.

15. Resoluto ligamine quarto, Chylus paulo ulterius leniterque tetendit, vixque digitis prementibus, cisternam versus, compulsus est, sed lactearum angustis coercitus hæsit.

### CANICIDIUM DECIMUM TERTIUM.

1. Catulus, super mensâ extensus citra plagam ullam ipsi inflictam, ex tempore perit.

2. A.

2. Aperto confestim ſterno, ne guttula cruoris funditur, nec pulmones, nec cor, nec diaphragma moventur.

3. Ligavi Chyliferum ductum ſupra Cor, qua parte vertebraſ deferit.

4. Eundem & illicavi proximè diaphragma, atque ſic Chylum illius omnem, ligamine uno & altero intercepi.

5. Meſenterii radicem una cum illius nervis, vaſiſque ſanguineis, nec non lacteis, atque lympham colligavi.

6. Præcrassa lymphatica quatuor deſcendentem Aortam tranſverſa decurrebant. Valvulis autem geniculata, trium quatuorve linearum Mathematicarum diſtantia ſeſe prode-

Chylo

Chylo receptaculum quaternis sese diffundebant ostiis.

7. Resecui tendines , primum diaphragma , pleuram secundò, Nervum deinde intercostalem , Arterias demum costales , sicque chyli Cisternam , atque canalem plenè detexi.

8. Chylosa cisterna , uti Canicidius Undecimò , Thesi Undecimâ , Canalis verò Thoracicus paulò super Diaphragma duarum Unciarum altitudine , ad Basin usque cordis , duplex assurgebat. Sed Bifidus ille ductus , sese , sub Cordis basi , reuniebat , exindeque versum simplex in ostia sua ferebatur.

9. Qua parte Canalis seu fluvius duos in alveos sese diffundit , insulam veluti format , Mathematicis longam  
C lineis



lineis quatuordecim, Tribus verò latam. Talem alias insulam rivuli unus, & alter, ab uno alveo, in alterum confluentes trajiciunt. Medianos voco transversosue rivulos.

10. Paulò ultra suum confluvium, œsophagearum glandularum lymphatica recipit, plenis ostiis suam eò lympham, eructantia.

11. Communem illum Canalem unius & alterius concursu conflatum in Axillares diduxi. Unico is, sed patenti hiatu, ad axillaris sinistræ valvulam adaperiebatur.

12. Crescentem Lunam æmulabatur valvula & à sinistris ad dexteram ita obvertebatur, ut allabentem, aut compulsum ad sese chylum, aditu interdixit

dixerit sinistrô , & dextras versus direxerit. In talem enim valvulam protrusus chylus impingens , suum à sinistris in dextr: fluxum inflectit.

CANICIDIUM DECIMUM  
QUARTUM.

1. Oblongâ , angustâque supernis quinque costarum cartilaginibus inflictâ plagâ , pectus diductum est, Visceraque sublata, nec non chyloferus ductus seorsim ligatus, quam proximè Costarum primam.

2. Lacteas ad Mesenterii radicem colligavi.

3. Venam Portarum, omnemque Cavæ truncum, in longitudinem diffidi, exhausti, per purgavi.

4. Imò, Epiploon, Lienem,  
C 2 jecur,

jecur , suo cum folliculo , ventriculū Intestina crassa , Renes Diaphragma , Pulmōnesque , cadavere deduxi , omnemque cruorem absterfi.

5. Lactæ nihilofecius æque turgebant , ac si nulla vel exhausta vasa , vel viscera subducta.

6. Canaliculus Thoracis paulò super Diaphragma , in crassiores sinistrum , inque graciliorem dextrum dividebatur.

7. Gracilior dexterque , rursus subdividebatur , sed mox sese uniebat alter alteri. Suis illis disjunctione , atque conjunctione Jusulam formavit rhombolidea , quam mediam intercostalis arteria trajecit.

8. Gracilior ille ductus idem , in sulâ rhomboeideâ formatâ ,  
crassiori

crassiori sinistroque ductui sese insinuabat , sed mox ab illo secedebat iterum , inque eundem denuo relabebatur , multas adeo , tot mæandris illis , insulas descripsit , vide Canicidium Decimum tertium Thesi Nonâ.

9. Ductûs ligamen solvi, ductumque compressi, & Chylus venâ cavâ diffusâ , effusus , est cruentatus.

10. Colligatas laxavi lacteas, ductusque Chyliferus, iterato tursit, Chylumque rursum incisâ cavâ profudit.

CANICIDIUM DECIMUM.  
QUINTUM.

1. Infernis sterni Cartilaginibus inflicto vulnere, chyli-

ferum canalem cum œsophagi parte colligavi.

2. Viscera removi , venas incidi , evacuavi , repurgavi , uti Canicidio decimo quarto , Thesi tertriâ & quartâ.

3. Ductum aperui paulo ultra Diaphragma ; & quia Chyli receptaculum patebat inductum ligaminis exors Chyli , seu potius lymphæ , leviter concreatæ subrubræ , dimidiatum excepti cochleari. Judicibus *φιλιάτρεις* subacida fuit.

4. Tubulo in Canalem apertum intrusô , lac impuli , affurrexitque ductus prætumidus ad ligamen œsophageum usque.

5. Lympham is conclusit receptaculi lymphæ penitus consortem de qua Thesi hîc tertriâ.

6. Ju-

6. Jucundo proin spectaculo, illam omnem subrubram lac fursum adegit, ad summam, usque canaliculi distentionem: lac autem sedes tenuit infernas. Eundem igitur alveum, inferius quidem lacteum, superius verò lymphaticum subrubrum nobis cessit.

7. Reclusis alvei biformis valvis, seu ductûs relaxato ligamine, liquidorum dissona congeries, cataractis prorupit iisdem, novoque compellendo lacti locum dedit.

8. Lac igitur impulsi. Nullo tunc negotio valvulam in subclaviam impegit, sed ejus obice repulsum, deflexit in Cavæ truncum, exindeque dextram cordis cisternam afflatim implevit.

9. Dextro cordis confosso ventriculo, lac vehementius compulsum, cordis illâ specu faluit.

10. Ductum universè, suis cum flexibus, atque mæandris, ab originibus, ad ostia defecui, & adjutori *Φιλιάτῳ* tradidi.

11. Origines voco Lacteas & Lymphatica vasa, quæ numerum nesciunt, quæque in hunc thoracis alveum confluunt.

12. Ostia nuncupo ejusdem alvei fines summos, seu Insertionem. Sinistras in venas aut axillares, aut subclavias, aut jugulares externas, sive is ore multiplici, sive unico patientique foramine illas in venas suam lympham suumve chylum eructet.

13. Fle-

13. Flexûs demum atque Meandros vocito sinuosos illius alvei decursus, quibus insulæ formantur, uti Canicidio decimo tertio Thesi nonâ, & Canicidio dicimo quarto Thesi septima.

CANICIDIUM DECIMUM  
SEXTUM.

1. Lactearum radiculæ ab intestinorum universo circuitu densæ & multijugēs pullulant, uti Canicidio duodecimo Thesi sexta &c.

2. Lactearum medianæ quidem plures, sed multijugæ numerosiores, quæ denso confluxu rivulos atque rivos constituunt, uti Canicidio undecimo Thesi quartâ.

3. Lactear valvulis geniculatim



latim intercifæ uti Canicidio duodecimo, Thesi nonâ.

4. Lactææ Pancreati quidem & incubant, & succumbunt, sed in illud sese nusquam exonerant, quotquot enim id visceris perreptant, tot profectò serpunt ulterius, inque specum longe remotam, sibi que singulis, lymphaticisque communem sese illatebrant.

5. Lactææ multijuges Afellianum Pancreas intimè subeunt: Hoc est, lactææ plures sibi mutuo occurrunt, & plurium concursu crassiores factæ, chyloïas, lymphaticasque glandulas, ad Mesenterii radicem fitas, permeant, exindeque chylum, atque lympham in commune Pecqueti receptaculum evomunt.

6. Lactææ

6. Lactææ porro tot illæ in istud Afellii pancreas antequam sese condant, cruentarum quidem Mesenterii venarum trunco decussatim incumbunt; at truncum illum Mesentericum nequaquam ingrediuntur; sed in Pequeti cisternam pergunt.

7. Glandulis enim Afelliani Pancreatis, ungue deglubitis, hoc est, tunica spoliatis, atque insuper, ut ita dicam, per laminulas, aut per strata deglutinatis, lacteos cernere fuit rivus, glandulas quidem alluere, sed in Conceptaculum Pequeti confluere.

8. Lactæas autem videre est, non uni duntaxat venæ portarum trunco, atque Pancreati, sed & Ventriculo, Intestinis

crassis, Omento, Lienī, Jecori, Renibus, Venæ demum Cavæ penitus denegatas.

9. Veritatis tantæ fidem facturus luculentam, viscera tot isthæc semovi, uti Canicidio decimo quarto Thesi quartâ, sed lacteæ nequaquam detumuerunt.

10. Pequetiani sacculi fundum usque adeo protenditur, ut limites sacros contingat: ad os quippe sacrum exporrigitur, uti Canicidio undecimo Thesi undecimâ estis lecturi prænotatum.

11. Lacteus Thoracis ductus ad iter breve bifidus, mox unitur, unitus autem superiorque, gracilior est, seipso nondum diviso, inferiori: haud secus ac Canicidio undecimom

CANICIDIUM DECIMUM  
SEPTIMUM.

1. Molossus lacteis caruit in Ventriculo, in Jecore, in Lie-  
ne, in Intestinis crassis, sed  
numerosas habuit in gracilio-  
ribus; Non superficietenus ap-  
parent, sed divulsa intestinali  
communi tunicâ, ab interiori  
intestinatorum velamento Bom-  
bycino, ceu à Matrice, vel à  
solo pullulant.

2. Radiculæ porro tot, ab  
ipso ortu orbiculatim aliàs, aliàs  
aliter contorquentur: exinde  
flexibus illis tot velut insulas  
signant uti de lacteis Mesente-  
ricis annotatum est Canicidio  
undecimo Thesi quartâ.

3. Ita etiam nunc Mesente-  
rium

rium universè lacteis confitum est sinuosis, quarum aliæ in alias confluunt, atque sic flexibus variis, tot rursus Insulas designant.

4. Imò lactearum confluvium insulares & anfractûs habet, hic quippe Carpionis vesiculam haud æmulatur, sed quinque veluti sinubus exporrigitur.

5. Unus quidem superior est, atque lactearum maximam partem excipit, & Aortam descendens totus interfecat, subindeque reliquos in sinûs sese diffundit.

6. Prioris illius postica deductio *secundus* est: hic autem non decussatim, sed rectâ supersternitur Aortæ, & post iter per breve mox inflectitur deorsum: atque recurvitate tali  
ter-

*tertium* in sinum sese dum im-  
mittit, Trinacrim veluti, seu  
triquetram efficit Insulam.  
Hanc autem lumbaris trajicit  
arteria.

7. *Tertius* verò *sinus* & lon-  
gissimus & crassissimus om-  
nium est. Aortæ latera secta-  
tur, mediusque inter dextrum  
Psoam, atque Diaphragmatis  
tendines Versus sacrum ex-  
currit.

8. *Quartus* maximi appen-  
dix est, in Thoracis usque  
ductum protensa.

9. *Quintus* demum maximi  
continuatio est altera, sed pau-  
lò contractior angustiorque,  
desinit enim in genuinum tho-  
racis alveum: haud secus ac  
strictior vesica in Urethram e-  
longatur.

10. La-

10. Lactei illius alvei fluentum filis, ceu valvis objectis, stiti.

11. Omentum Ventrículum Intestina crassa, Renes tum veros cum succenturiatos: Lienem & Jecur ex alvinis limitibus exterminavi.

12. Diaphragma Infuper atq; Pulmones suis e sedibusejeci.

13. Illæso præterea Corde Mediastinum atque Pericardium, exclusi pectore.

14. Sanguinem deinde venosum & arteriosum omnem spongiis absorpsi.

15. Cavæ truncum, quæ diaphragma permeat, illigavi.

16. Reverfus Chylosum ad alveum, quas ipsi valvas injeceram, patefeci, seu ligamen superum inferumque laxavi.

17. Par-

17. Parte infernâ lac immiſi, & axillaris vena deſcendenſque cava ſublata ſunt; cordis & ventriculis dexter, aſſurrexit: ſed leniter preſſus ſatieta-tem ſuam omnem, in pulmo- nales arterias eructavit.

18. Iteratis è lacte clyſmis, cor rurfus extuberavit, & quot-quot pulmonis erant partes de- ſectæ, tot proſecto lac iſtud oſtiolis totidē ſpontaneæ evo- muerunt Pulmonis enim vaſa, pulmone licet maximam par- tem reſecto ex Theſi duodeci- mâ funditus non dirueram.

19. Dextrum cordis ventri- culum, qui tumebat unicè, diffidi; lactea protinus conge- ries diruitur, conflacſcente corde.

20. Diffiſſionem in univer- ſum,



10. Lactei illius alvei fluentum filis, ceu valvis objectis, stiti.

11. Omentum Ventriculorum Intestina crassa, Renes tum veros cum succenturiatos: Lienem & Jecur ex alvinis limitibus exterminavi.

12. Diaphragma Infuper atq; Pulmones suis e sedibus ejeci.

13. Illæso præterea Corde Mediastinum atque Pericardium, exclusi pectore.

14. Sanguinem deinde venosum & arteriosum omnem spongiis absorpsi.

15. Cavæ truncum, qua diaphragma permeat, illigavi.

16. Reverfus Chylosum ad alveum, quas ipsi valvas injeceram, patefeci, seu ligamen superum inferumque laxavi.

17. Par-

17. Parte infernâ lac immiſi, & axillaris vena deſcendenſque cava ſublata ſunt; cordis & ventriculis dexter, aſſurrexit: ſed leniter preſſus ſatieta-tem ſuam omnem, in pulmo- nales arterias eructavit.

18. Iteratis è lacte clyſmis, cor rurfus extuberavit, & quot-quot pulmonis erant partes de- ſectæ, tot proſecto lac iſtud oſtiolis totidē ſpontaneæ evo- muerunt Pulmonis enim vaſa, pulmone licet maximam par- tem reſecto ex Theſi duodeci- mâ funditus non dirueram.

19. Dextrum cordis ventri- culum, qui tumeſcit unicè, diffidi; lactea protinus conge- ries diruitur, conflacſcente corde.

20. Diffiſſionem in univer- ſum,

sum, descendens cavæ truncum inque dexteram & sinistram axillares deduxi, sicque valvulam lacteis præpositam ostiis, denudavi.

21. Annularis illa digiti magnitudine refert Unguem, sed falcata est, sive lunata, & conua habet dextrorsum obversa, & sinistrorsum averfa, uti Canicidius decimo Thesi duodecimâ.

22. Cornibus igitur utrimque ab axillari sinistrâ ad dextram reflexis, liberum sanguini refluxum cedit, unâque chylum ad se compulsus dirigit in dextras. Chylus enim eo usque Diaphragmatis articularumque motu subvectus refluui sanguinis fluente dextrorsum abripitur.

23. Axil-

23. Axillaris porro sinistræ, vel subclaviæ potius analogicè vocitandæ, interiora quidem tenet: at Mediam illam præcise non occupat: inferius enim transversa magis annectitur, sicque sanguis sinistrorsum refluus omnis, illam omnem conscendit, deprimit, supervadit.

24. Pontis igitur sublicii, sanguini non quidem subterfluo, sed superjecto vicem exhibet. Lacteis autem ostiis inani potissimum Thoracis alveo (ne sanguis in alveum erumpat) stricti operculi fertque refertque vices.

25. Sic nostris oculis valvulâ subjecta, alveum chylerum aliàs, nunc verò lactiferum, sæpius compressi; at quoties

ties compressi, falcatum toties valvulæ spatium inferius, lacte dextras petente superfluo, completum est: sed superfluitatis illius, nihilum quidem, superfluxit sinistrorsum.

26. Lac in Thoracis ductum rursus impulsi: & ecce, ejus imperus ad valvulam allidens, totam illam sustulit: sed lac omne dextrorsum deflexit, utpote eo versus valvulam regressum.

27. Animo injectionibus istis exfatiato, valvulam refecui ipsique subjecta Ductus ostia lyncis oculis examinavi.

28. Quà rescissæ valvulæ basis erat, scrobiculi visi sunt unus & alter, obliquitatem præse ferentes: Ita enim obvertebatur, ut ore minime recto sub  
valvâ

valvâ paterent, sed obliquè, à sinistris ad dextras subducerentur.

29. Visorum fidem facturum planiorem, lactea repetii clysmata, & amœnum utrimque vidi lacteum laticem à sinistris in dextras, demissè quidem sed impetu salientem, utpote qui dextrorsum adstantes obliquo saltu verterit in fugam, illorum enim abdomina petivit.

30. Amœnius meis *φιλιάρτοις* spectaculum præbiturus isti Thoracici ductûs Orificiorum obliquitati naturæ medelam feci; Totam quippe sinistram axillarem firmis digitis lævorsum adduxi, donec ostia lactea ex obliquo situ rectum essent nacta.

31. Lacte nunc vehementius

tius injecto eventus voto respondit. Unius enim Cubiti altitudine recta & ostioli altero atque altero lacteos radios ductus ille jaculatus est. Aquilegum mihi videbantur syphunculi, ex inferiori cryptâ Najades emittentes.

32. Humanis canina si comparo, ideam mihi refricuerunt, suis & vicinia & rotunditate virilium ejaculantium, ultra feminales vesiculas strictè dictorum, quæ liquorem impulsu utriusque, utriusque itidem in Urethram evibrant.

# AD LECTOREM.

**H**æc paucula suscipe , Amice  
 Lector, quæ & Tibi compara-  
 re & mihi licuit. Utinam vel ali-  
 qualem consequerer copiam alio-  
 rum Clarissimi PRÆCEPTORIS  
 mei Experimentorum, quæ anno-  
 tata possidet de Chylo, de Sanguine  
 & ejus Transfusione , de Bile , de  
 Sero , de Urina , de motu Cerebri,  
 Pulmonum, Cordis , Pectoris, Dia-  
 phragmatis , Abdominis , Intesti-  
 norum, Ventriculi , Uteri & Vesi-  
 cæ utriusque ; de Symptomatis  
 plagarum Cerebri , Spinæ , Pecto-  
 ris , Abdominis & Artuum atque  
 sigillatim de oculis vel cæsim vel  
 punctim pertusis citra cæcitatem,  
 de liquoribus injectis in venas Al-  
 terantibus , Emeticis, Purganti-  
 bus , Venenatis , de injectis præte-  
 rea in arterias , in fistulam Pul-  
 monis , in Cerebrum in os , in Ve-  
 sicam



*ficam, in Podicem; de Arteriis  
vel incisis, vel ademptis, vel liga-  
tis, sive Caroticis, sive Pulmona-  
libus, Epaticis, Spleneticis, Me-  
sentericis, &c. de Nervis punctis,  
incisis ac etiam commorisis acri a-  
liquo seu Topico; de Recurrenti-  
bus & Stomachicis interceptis; de  
Ductu Chyli Thoracico inciso, vel  
ligato; de Ureteribus ligatis; de  
Utero, Liene, Pancreate & Vesti-  
culâ fellis exemptis, de Fœtus  
Corde mobili, de Ductibus ejus ve-  
noso & arterioso, de Vasis ipsius  
Umbilicalibus, de Placentâ, vel  
unâ pro se solo, vel unâ pro se &  
suis gemellis; deque tandem Pecorum  
Allantoide & Cotyledonibus &c. Hæc uti  
magnâ luce historiam perfunderent univer-  
sam & Physiologicam & Pathologicam, ita  
& TIBI Curioso, & in nonnullis hætenus  
forsitan hæsitanti, satisfactura esse nullus  
dubito. Interea, vale, LECTOR, & his  
mecum frueri.*

**F I N I S.**





